

Л. УСПЕНСКИЙ

НИЛЕ БОЕВОЙ СЛУЧАЙХТЬ





М-Мокш.
3-276

Л. УСПЕНСКИЙ

НИЛЕ БОЕВОЙ СЛУЧАЙХТЬ

Рисункатне
А. ДАВЫДОВАНЬ



Инв. № 1357

Всесоюзнай Ленинскэй Коммунистическэй Молодёжнень Союзть
Центральнай Комитетоя
ИДЕНЬ ЛИТЕРАТУРАНЬ ИЗДАТЕЛЬСТВАСЬ
Моску ★ 1939 ★ Ленинград

THE HISTORY OF THE

1875



1875

Минь странасонк сембе итне содасазь Климент Ефремовичень Ворошиловонь, Советский Союзонь маршалть, Оборонань Народнай Комиссарть. Содасазь и кельгсазь сонь И мяльсна содамс колганза сембонь.

Кода эрясь сон идькс пингстонза? Кода сон арась большевикокс? Кода арась Краснай армиянь командиркс? Кода вятезень бойс белайхнень каршес минь армияньконь? Кода сясь-кондезень вракнень? И мезенкса получандазень ня ордеттнень, конат пиндолдыхть сонь мяшьсонза, мзярда сон первомайский парадть частонц пингста эсь алашанц лангса лисенди Московский Кремлянь Спасский башнять ташта ортаванза?

Штоба азондомс, хотя сембода главнайть, мезе ульсь Ворошилов ялгать замечательнай эряфсонза, эряви аф фкя эчке книга сёрмадомс. Оцю ломанть эряфоц аф тяльги нюрхкяня рассказ.

Тя книганянь эса минь азонтама аныцек ниле самой обыкновенной боевой случайхнень колга, конат мзярда бди, гражданский войнань кунардонь шитнень пингста, Климент Ефремовичень мархта ульсь фронтса.



ПЯТИИЗБЁННОЙ СТАНИЦАСЬ

Шинек-венек мольсть бойхть, шинек-венек красноармейскяй частьтне мольсть востоку, Волгать шири, Царицын ошть шири (тяни тейнза мярьгихть Сталинград ош). Модемс ульсь трудна, белайхне люпштасть сембе ширде. Сембе ширде кулевсь винтовкаста ляцендемась, орудияста взрыфнень грохиемасна...

И вдруг, мзярда минь войсканьке няйсть ичкозде эсь ингольдест казаконь аф оцю веленя, Пятиизбённай станицать апак учт сембось кругом сетмесь. Аф крикт, аф ляцендемат. Врагсь бта провалиндась и следга эсь мельганза изь

кад. Ков сон тусь? Кона ширде танга врьгати?
Аф содави!

Войнаса тяфтама аф шарьхкодемась хужа сембода вишке бойдонга. Неприятельсь страшнай, кда лац аф содасак, коса сон и мезе сон тиенди. Эрявсь сейчас жа тумс смелай разведкас, сувамс ичкози шобда веленяти, содамс, аф кяшф ли тоса врагсь. Тя ульсь пяк пелькс, но необходимай.

Арьсесть кучемс разведкас броневиконя — боевой бронированной автомобиль пулемёт мархта. Броневиксь ульсь ташта и каладка, но кядь маласа лия мезевок ашель.

Паксяв лисемда инголе ульсь содаф, што броневикти командиркс моли армиянь командующайсь Климент Ефремович Ворошилов. Няйф разведкась ся шиня ульсь стама важнай тев, што сонць Ворошилов тусь.

Броневиксь курокста ётазе кели шава паксять, кона ульсь краснай боецнень и веленять ёткса, и полнай ходса ардозь, сувась веленяти. Веленять главнай ульцяц ульсь шава. Но вракне могли кяшемс бокстонь праулкава.

Шоферсь станяк вишкста ардозь шарфтозе броневикть фкя тяфтама правулкас, кона мяндфоль крута коленакс. Но аньцек машинась кенерсь ардомс шаркс вастти, шоферсь мезе ули виец фатясь тормозти.

Сон сразу шарьхкодсь, што арась пяк страшна. Праулкась шумордавсь тупикс, лия выход ашель. Тоса, праулкать песа, шуфтонь пиряфнень ваксса ульсть сотфт казаконь седландаф алашат. А сембе кенкшнень, ортатнень, калиткатнень эзда ласьксть моторть шумозонза вооружённой ломатть. Казакт! Белайхты!

Шоферсь лоткафтозе машинать. Шоферть шамац арась акша, кода пур.

— Мезе тиендят? Мес лоткафтыть?— пешкодсь Ворошилов.

— Тяйня пяк. Ардомста аф шаркстоват, командир ялгай!

Сон нинге изь кенерь азомс тя валонц, кода казакне рёвнязь врьгятсь машинать лангс. И эстакиге броневикть потмоса сембе мезе ули кармась грохияма, дуборгодсь и кармась комотнеме: тя корхтазевсь краснаень единственной пулемётсь.

— Ага! Аф мялезонт? Мадондодя пулятнень эзда, бандитт?

Шоферсь, сускозе губанц, тозордазе фталу молема рычагть.

— Ох, командир ялгай, беда!.. Фталу аф арды... Арась досаднакс... Аф мянефтяма тяста...

Казакне сразу жа шарьхкодсть, што броневиконясь аф туви вастстонза.

— Месть? Поводе, краснай чёртт?... Ну, сейчас минь тинь!

И вов ни синь ёряйхть пря канавати, шаштыхть тишетнень потмова, старандайхть шаштомс сяда малати. Синь пулясна эрхнихть броневикти станя, што машинаста ломаттнень грохиямать эзда цють аф лопиихть пилестост перепонкасна. Пулятне сраткшнихть множества мелкай свинецень и сталень пси брызгова. Ня брызкне угадсихть боевой вальмяняти, ранендакшнесазь ломаттнень кядьснон, шамаснон, пачк плхтасазь одёжаснон...

Шоферсь, нинге од цёраня, марнек абонць.

— Месть тиендемс? Командир ялгай? Мезе тиемс? Юмамя минь,— корхтась сон.

Ворошиловонь кеме кядец путовсь сонь лафтунц лангс.

— Да месть тон, друг, месть тон! Мес эво деть? Кирдьк пряцень сяда кемоста? Варжак, может быть, аф пяконя туй машинась фталу? Давай, давай, шарфнек аф ламнянь... Да дят пель, нинге аш мезевок страшной! Ляценцайнек, мяттяма тьяста! Сяда курок!

Кажнайсь эздонок нязе, кода тьяня правулкаса или дворса шарфни стака грузовиксь. Курокста тя кодавок аф тиеви. Аськолкс инголи, аськолкс фталу... Аф ламода кержи шири, аф ламода види шири... Кафта метрат инголи,

кафта метрат фталу, и тага пялеметра види шири... Минута, омбоцесь, колмоцесь...

Тяфта ульсь тянинге.

А пулятне ня минутатнень пингста сплошной пиземкс пярцьсть. А казакне ни колмонь, нилень, тифтень ломань ласькондсть тьянняя ульця-нять кувалмова. Синь то мадонць, то стякш-несть ласькома; синь эсь пряснон бодрайгофнезь пешкодкшнезь и кода нинге маштыхть апак лотксек ляцендсть. И каждой мигть пачкодкш-несть сяда малав и малав.

— Эх, аньцек ба афольхть шарьхкоде ласькомс омба ширде. Аньцек ба афолезь перя кить. Шувомс кить туркс канава, валямс кить туркс шочкт... Эста—сембе юмась! Нинге ба колма минутат... Нинге ба кафта... Нинге фкя...

Ся пингста пулемётсь ёрязень последний очереттнень. Сон ляпьякшнесь. Патроттне шуморькшнесть. Броневикть потмоса арась аф кирьдемшка пси. Ворошилов боевой тьяня лазфнень эзга ляцендезень вракнень маузерса, тифтень, кочказь (на выбор): тьянь, пирыфть ваксста... Тяни—омбоцеть! Прась!

— Аньцек ба патроттне сатольхть, аньцек ба кенеремс. А ну, ну, ялгай! Давай ина, давай нинге аф ламня! Сяда спокойнайста! Нинге весть... Ну... Ну!

И вов, мекпяли, машинась шаркстась. Валом-



ня, совсем нюргозь, арась канавать вельхксс, кой-как кирдсь кержи шарыец кить коське сёвонень крайнцты... И—тусь! Да, ялгат, тусь, тусь!

И броневикть лангста боевой башнясь, бта богатырень пря шлемса, грознайста шаркстась меки.

— А ну, „кельгома ялганят“, получандада последний пулятнень. Вов тейнтъ, вов, вов, вов!!!

Суматохать пингста белайхне нльне истъ шарьхкодъ ласькомс броневикть фталу, перямс меки кинц. Кись ульсь свободнай!

Радостнайста пешкодъ кашкомф сиренась. Броневиксь кода алаша, воляс мянць, трнатовезвь, фталда шарыенза ичкози ёрдасть коське тишень, пулень, щепкань, туцякс ащи мар и тусь ардозь главнай ульцяти, сонценнетннди.

Тевсь тифоль. Тяни краснай войскадне цебяръста содазь, коза кяшсь синь враксна! А бойста тя сембода эряви. Кафта частта меле белайхне ульсть паньфт хуторть эзда.

Тяфтама васенце случайсь ня случайхнень эзда, конатнень колга монь мялезе тейнтъ азондомс.



СМЕЛАЙ РАЗВЕДКА

Омбоце случайсь ульсь Царицынать маласа ни, Волгать лангса.

Белай армиятне мольсть прокс краснайхнень мельгя, пачкодсть вплотную Царицынати, колма ширде кружазь сонь теснай кольцякс.

Белайхнень батареяснон эзда фкясь — ниле пушкат и сядошка солдатт — лоткасть степи, пригороднай веленятнень фталу и учсть битва.

Рана шобдава белайхнень штабста тя батареяти ардсь верховой. Сон усксь приказ: улемс

анок наступления. Батарейть варжама вешсь самда командующайсь — грознай и кяжи генерал. Батарейть перьф кеподсь страшной суматоха.

Батарейть командироц макссь строгай приказ: нижняй читтненди, солдаттненди, — эряскодомс (подтянуться), чистендамс песокса пувнятнень, шнань карксонь пряжкатнень. Господа офицерхненди — няевомс (выглядеть) военнайкс, бодрайста!

Штоба страшной генералсь афоль са кодавок апак няйхть, Владюков вахмистрти ульсь мярьгф, сембе пингста ащемс ластя алашанцлангса маластонь панда пряса и ваномс кить кувалмос — аф сай ли.

Вахмистрсь ульсь оцю, рыжай. Топоцта, эчке гнедой алашац мяндсевсь сонь стака теланц ала. Усатай всадниксь ащесь ластя шуфтомфста ичкозде няевсь кодама-бди памятникс.

Вов, меколи, кеподезе сон кяденц, эрхтезе шпорасонза алашанц и тусь ардозь инголи. Сон няезе: ичкозде степть эзга пулень туця потмоса ардсь батарейть шири военной сенем машина. Вов сон аф кувать лоткась кить лангста бокс тишеть лангс, меле крутаста шаркстась и вдруг танга тусь ардома батарейть шири, но кати мес ардсь меки потазь.

Владюков вахмистрсь ардсь каршезонза. Тейнза, содаф, изь кулев, мезе ся пингста корхтасть нят, конат ардсть автомобильть эса.

— Вали-ка меки потазь, Цыбаненко!— мярьгсь эздост фкясь.— Тяфта сяда осторожна ули. Пяк ни ичкози пачкодемя. Кие содасы, киньтя батареясь: минь или белайхнень.

Владюков лоткась секунда, кяденц алга ванць ардыхнень лангс, меле пешкодсь:

— Гей, батареять лангса!—и вихоркс тусь ардозь машинать ардома кинц туркс.

— „Кода бта котонест ардыхть. Военнайхть,—арьсесь сон.—Значит — генералсь! Его превосходительствась!“

Мзярда ардсь совсем малав, красивайста сон лоткафтозе алашанц, молодецокс ёрдазе кяденц картузонц козырёконцты, хотел панжемс кургонц, штоба вишкста приветствовандамс генералть, и цють изь пра седланц лангста: „Мезе стане? Мезе? Мезе?“

Автомобильста ломаттнень картузсост ульсть якстерь звездат. Краснайхне!

Вахмистрсь хотел был тозордамс наганонц кобурастонза ... Но ульсь позна ни: ся, конац машинать эса ащесь сембода инголя, ряцок шоферть мархта, эстакиге кеподезе алу нолдаф винтовканц. Степть вельфкя тусь ляцема вишке звуксь.

Вахмистрть бта шочкса эрхтезь пря ланга. Сон нолдазень кядстонза нокта вядьмотнень и стакаста прась модать лангс. Эводьф алашац кеподсь на дыбы и меле ластя ломаньфтома вихоркс тусь ардозь степть эзга...

Батареять лангса сразу шарьхкодезь сембонь, мезе тиевсь. Ветешка ластя ломань эстакиге тусть вишкста ардозь машинать шири. Кеподсь отчаянной переполох.

— Пулемёт!—пешкодсть и ласькондсть белайхне.—Куроконе! Тяза! Огонь машинать ланга! Эх, мянихть! Скорей!

Сенем автомобильсь ульсь нинге аф ичкозе, но ляцендемс лангозонза ашель кода. Автомобильть и батареять ётка ардсть мельгаст эсь ломаньцна, белайхне. Ушедат ляцендема — тонценнетнень шавсайт. Месть тиендемс?

Ластятне мезе ули вийсна ардсть машинать мельге, синць валхнезь лафтуснон туркс шнаса повфтаф винтовкаснон. Но курокста синь кармасть кирнема алашаснон, лядонць машинать эзда,—и аф удивительна: вишкста арды машинать эзда ляцендсть промахфтома. Фкя ластясь куборем прась алашанц лангста. Омбоцеть люпштазе алонза ранендаф алашац. Ляды колмотне лоткафтозь алашаснон: а ну их, катк ардыхть! И сенем машинать вельхксса пулень туцясь вишкста тусь ичкози ...



Ардсть аф ичкози тюрема вастть эзда, кафта пандонь ётка лоцинкава, эшитъ ваксс машинась лоткась. Шоферсь фатязе брезентонь ведаркаты и тусь ласькозь веденкса: моторти ульсь кода псилгодомс. Шобдава степть вельхксса марявсь цебяръ шиня: сяпи, свежай—качамонь, тишень, нярьхкамазонь шине. Шись кеподсь сериста ни. Небась арась чистайста и сенемста. Аньцек ичкозе види ширеса, самай горизонтть лангса келемкшность пяк оцю коричневай кафта туцят. Нят палсть маластонь кати кодама станцият, конатнень снаряда кръвястезь белайхне!

Взволнованнай пассажирхне рахазь комотсть модать лангс—видепнемс пильксон.

— Ну, цёрат, няестъ кодама тевсь?—мярьгсь старшайсь.—Мянемя, а?

— Мянемя, Климент Ефремович,—кенярьдфста и фкя-фкянь ётазь отвечастъ ялганза.—Но сембе сяка, командарм ялгай ... Разве можна тяфта? Пяк рисковантатада: а ну шаволедызь ба?

Ворошилов сязсь пучёк тише, шовазе кядсонза, никсазе, пеедезевсь.

— Чудактата тинь, ялгат!—мярьгсь сон, сонць ванць ичкози валда степти.—Кода ина содасак обстановкаты рискфтома? Вов ётамя ведьгемоншка вайгяльбе, тyani минь содасаськ, мезе тиендемс.

Сон аф куватьс изь корхта мезевок, арьсесь,
пеедзевсь нинге весть.

— Норавада, няйсасть, кода минь синь куро-
кста карматама пиксомост!

И виде. Несколько шида меле краснай часть-
тне тусть наступленияс.

Тяфтамоль омбоце случайсь.



ПУЛЕМЁТ ВАКССА

Колмоце случайсь ульсь Воропонова станцияса, аф ичкозе сяка жа Царицынать эзда. Вов кода тyani тyса ульсь тевсь.

Сёксенда, октябрь ковста, фронтса тага кармасть грохияма орудиятне. Белайхне нинге весть арьсесть счастьяснон пытандамс — ётамс Волгати.

Ворошилов, кода сембе пингста, изь карма бойть вятема ичкозде, ошть эзда. Кемгафксувоце числаня штабнай вагонць ускозе сонь Воропонова станцияв. Тyса ня шитнень изь шарьхкодев мезе тиендевсь.

Ся пинкнень минь изь сатне аф аньцек ору-
жияньке. Кржа ульсть паровоздоноконга. Сяс
аф оцю станцияса ульсь полной неразбериха.
Китнень лангс пуромсть пяк лама пяк кувака
поезтт, сяда лама товарнай шобда якстерь ва-
готт, теплушкат. Штабонь вальмятнень эзга,
няевсть синь пefтома кувака рядсна. Финц
теплушкатнень эса ащесть раненайхть, конат
аньцек ускфт фронцта, коса веть ульсь вишке бой.

Омбонцне ульсть пшксет несчастнай ворьго-
дида, конат ворьгодсть ня васттнень эзда, коса
тяни азорндайхть белайхне: ня теплушкатнень
эса козонсть слабай атят, аварькшнесть и куфк-
снесть ават, тихольдсть и пешкодсть ёмла итть.
Сембе нят вийда машфтф, сизеф, мирнай ло-
матть, конат куломшка эводьфт войнаса и кяжи
врагть эзда. Вдь фронтсь ульсь пяк маласа.

Но сембе сяка станциясь ульсь аф фронтса.
Сяс вооружённой боец-красноармеецта станци-
яса ульсь пяк кржа...

Ровна шинь кучкать Ворошилов терьдезень
вагонозонза эсь помошниконзон — совещанияс.
Краснай частень командирхне комада ащесть
картатнень вельхксса и арьсесть, мезе эряви
тиемс, штоба лоткафтомс белайхнень наступ-
ленияснон. Вдруг вальмять ала бта струна ся-
зевсь: кулевсь авань отчаянной вайгяль:

— Арелямасть! Арелямасть! Белайхне!

Аш кода азондомс сянь, мезе лиссь тядя меле.

Сембе ваготтнень, сембе теплушкатнень эзда атятне, иттне, аватне комотнесь, кода ёнф-томот, ласькозь паксяв. Сембе синь эводемать эзда изезь сода месендемс, ласькондсть рельсатнень ланга, пешкодкшнесь, аварьдсть, кярмочнесь фкя-фкянди.

— Арелямасть, Арелямасть!

Раненайхне, конат могли нинге якамс, конатнень ульсь винтовкасна, тожа лисендсть теплушкаста. Финцне бинтовандаф кядснон мархта озафнезь винтовказост штыкснон, омбоцетне пейснон мархта панжезь затворснон, анокласть питниста мимс эсь эряфснон. Но синь эздост ульсь сяшкава кржа, надёжафтома кржа!..

Ворошилов и сонь штабоц станя жа куроц-ста ульсь платформать лангса. Первай коммунистическяй дивизиять командироц, конань ранендафоль пильгоц (пильгозонза тяни бинтть ланга шафоль кати кинь оцю туфля), ласьксь платформать лангс ласькихнень лоткафнема. Сон эняльдсь, корхнесь эсост, шукшсь лангозост, но напрасна. Эводемать эзда ёнда машфтф атятне и аватне киньге и мезевок исть кулхцонда.

Ворошилов варжакстсь юг шири, тов, кона шири эводезь варжакшнесь эводьф орьгодихне.

Да, тевсь ульсь кальдяв! Станциять перьф ич-кози степи тушендсть сёксень, голай, лопафтома саттне. И тоса, саттнень омба бокса, шуфттнень тарадсон ёткова сон няйсь: сяда, кафта сятт, вете сятт аф шарьхкодеви мзяра белайда, конат мезе ули вийсна ардсть станциять шири ... Наверна, синь косовок ётасть минь тылозонок.

Мезе ина тyani тиендемс? Ареляй аш. Тумс? Аф, нельзя тумс. Разве можна кадомс врагсь воляс тя мирнай толпать, ареляйфтома ломаттнень, атятнень, иттнень и аватнень ёткс? Кда ба кядь маласа улель хоть фкя пулемёт ... Но вдь сон ашель! Значит—лядондсь фкя: куломс бойса...

Ворошилов варжактсь эсь ялганзон мархта фкя-фкянь лангс, люкштядезде прянц, валхтозе лафтулангстонза эсь неизменной, кельгома карабинонц, кавалерийскяй вернай ёмла винтовканц. Белайхне—синь няевсть кода кядь лапш лангса—ардсть оврагти, кона степть эзга пачкотькшнесь мяк станцияти, и ряттне фкя-фкянь мельге кяшевсть эзонза. Кафта-колма минутада меле синь лисихть тя лощинать эзда совсем малати ни, вона тоса, ня кафта шуфттнень ваксса, и эста...

Кати кия штабнай красноармеецнень эзда мольсь фталда, валомня токазе Ворошиловонь кенерьбакарьти.

— Командарм ялгай, — пясес тошказь пшкядсь сон. — Тонь цебярь алашаце. Прикажи — лифца алашацень. Озак, архт!.. Кодавок мянят.

Ворошиловонь шамац крввязсь гневть эзда. Сон курукста шаркстась сянть шири, кия тяфта мярьгсь. Сон хотел кати мезе отвечаемс и вдруг ... Вдруг весть комотезь сон комотсь платформать лангс. Пулемёт! Сон няйсь пулемёт!

Платформать лангса, лакафтф веденди зелёнай бакть ваксса, стенати нежетьфста ащесь снаряжённай, бойс анок пулемёт. И наверна, сонь тяза путозе охранась, а меле, эводемать пачк, общей суматохать пингста сонь юкстазь.

Кодамовок кафта-колма секундаста Клим Ворошилов фатязе пулемётть дуганяда, ускозе платформать песта канавати, дуланц шарфтозетов, оврагть шири, ладясь лента ... И ульсь пинге!..

Инголя арды ластятне целай толпаса, лавакс лиссть оврагть эзда, шашкаснон кирьдезь голайста. Кись инголест ареляйфтома станцияти ульсь панжада. Нинге минута — и синь улихть тьса.

Но сяка жа пингста пулемётнай страшной коське грохотсь ётась сетьмень пачк. Пулятне, конатнень нолязень командармть машты кядец, стальной, свинцовой вееркс яцсесть арды



лавати. Колма сятт пуля минутати. Вете секун-
дати. Аф няевомшка вернай смерть!

Белай конницать бта оцю бритва керозе.
Степсь оврагть ширеса сразу тавадовсь шобда
ёмла пятнаняса — шавонфт, ранендаф ломанца
и алашаса. Кой-коса степть эзга сядазонь
синдезь, алу седлати комафтфста, ардсть ич-
кози башка арды всадникт... Тяни сембе
ширде Ворошиловонди ласьксть ломатть. Кати-
коста ускозь омбоце пулемётть. Но тевсь ульсь
ни тиф. Бойса сяськсь минь ширеньке.

Командующайсь стясь плманжа лангста, вар-
жакстсь врагть шири и пеедезевсь. Но эстакиге
коняц срмась.

— Ну вов! — мярьгсь сон. Тяфта сяда це-
бярь ули. Но коса ина все-таки ульсь станциять
ваныец? Разве тяфта ванонцазь? Штабонь на-
чальник ялгай, тонць кочкак тя тевть. Эряви
цебярьста ваномс. Синь могут пуроптомс вий и
танга врьгятемс. Кучесть-ка тейнь комендантть!..

Сон шукадзе плманжанзон лангста песо-
кть, повфтазе копорезонза карабинонц и тусь
меки вагонозонза.

— Ялгат, айда ширезон! Совещаниясь нинге
изь шуморь...



ШЯЯРЬНЯНЬ ВЕЛЬДЕ

Белайхнень мархта войнась ульсь шуморема маласа. Советскяй странась аделахнесь мекпяль-день страшной врагонзон эзда фкя врагонц—Врангель баронть. Будённовскяй Первай Коннай армиянь отряттне мольсть противникть мельге пяк маласа, занязь Отрада велеть. Врагсь потась. Шобдава Коннай армиянь командирхне, коса главнайхне ульсь и Ворошилов и Будёнай, пуромсь велень фкя кудс арьсемс тефнень.

Вдруг ульцяста кулевсть крикт, винтовкаса ляцендемат, алашань ардома дуборфт. Сембе курукста лисендсть крилець лангс. Велеть главнай ульцяц ульсь шава. Аньцек тоса, ичкозе сонь песонза, няевсть ётнестъ ластят, пяк ляцендсть. Должно быть, белай кавалеристтне апак учт ётасть минь войсканьконь пачк. Но мзяра эздост—кржа или лама? Косот синь—сембе тясот? Или веленять омба бокса эсост учихть лият?!

Кядь маласа ломаньда ульсь кржа—кафта-колма десяткашка.

Будённай курукста комотсь алашанц лангс и сембе ня ломаттнень мархта тусь разведкас. Аф главной ульцять эзга, а фталга, перетнень пева—кругом. Реввоенсоветонь членць Ворошилов тожа изь ляд штабти. Скамонза, охранафтома, мезе ули виец ардсь велеть кувалмостов, коса ляцендсть.

И вдруг совершенна апак учт, штабонь кудть и ся вастть, коса ляцендсть, кучка видеса бокстонь праулкаста лиссь кинц туркс целай эскадрон ластят. Будённай? Аф. Белайхть! Врангелевецт!

Сразу вишкста ардомста алашанц лоткафтомс ашель кода. Сон ардозь яцесь вракнень самай кучказост.

Клим Ворошилов каязень перчатканзон, мя-

лецоль фатямс револьверонц... Аф, позна, аф кенерят. Эздонза бокса сон няи ни низель-гофтф пей, полдашкатф сельме мархта врангелевечень шама. Ворошиловонь лангс арды казак, ульсь анок пикаса сялгомс.

Револьверть! Скорей револьверть! Наганть! Ворошилов види кядьсонза фатясь кобуразонза, кержи кядьсонза кемокстазень нокта вядьмотнень. Сире ялгац, боевой алашац, сразу шарьхкодезе командать. Пейсонза и копытасонза васьфтезе врагть, шорясь сялгомс Ворошиловонь.

— А-а-а! Ах!

Пикась ётась Ворошиловонь кели бурканц пачк, шяярняшкада теланц эзда, но тапорявсь срмафксненди.

Кафцке алашатне кармасть фкя вастса кштима фкя-фкянди токафтфт боксна фркснихть, кяжиста шарфнесазь веры сельмоснон. Врангелевечть кичкоргодф шамац прокс маласа... Сон кати-мезе кашкомфста пешкоды, мормяцйй... Нотфни меки пиканц, кона тапорявсь бурканцты... Наганть, курокопя наганть!.. Ворошилов фатязе револьверонц, кеподезе кяденц...

Но тя пингста вдруг кулевсь кайгиста „ура“. Ульцяти бокстонь правулкатнень эзда ардсть будённовецт.

Секунда — и белайхне ашет ни.

Стакаста ляки, кяжияф боецне ардыхть мель-

гаст. Лиятне теснай кольцякс кружазь эсь командирснон. Кеметть кятть венептевсть тей-нза: щупамс, содамс — аф ранендаф ли. Кеметть сельмот, кеняндезь, ваныхть сонь шамазонза. Шиса? Целай? Аф ранендаф?

— Ну кода, Климент Ефремович? Кода жа тяфта тон?

А Климент Ефремович вихца таргазе бурканц сёрмафксонзон ёткста пикать, конань тоза тапоряфста кадозе врагсь. Ворошилов нарни конястонза ливсть. Сон пееди ялганзонды...

— Аш мезевок, аш мезевок, цёрат! — корхтай сон. — Аш мезевок, спокойна! Нинге тюрхтяма!

* * *


Тяфта ульсь лама кизода त्याда инголя. Тяфта ульсь.

А тyani, мзярда Оборонань Наркомть вакска ётнихть Первай майста минь великай армиянь-конь частенза, кажнай боецсь, сембода сиреста сявемок сембода отти модемс, кда вождть ваны знакомай таза фигуранц лангс, кона спокойнайста ащи седланц лангса озада, арьси:

— Да, вов сон, минь Климент Ворошиловоньке! Лама сонь заслугадонза революцияти и странаньконди. Мудрайста и маштозь руково-



дит мархтонок. Но вдь сон машты аф аныцек
руководить. Сон машты, кда эряви, тюремонга
шамаста шамас врагть мархта. Сон машты
видеста, аф эводезь, варжакстомс смертт сель-
мос. Сон фкя пингста и Нарком и красноармеец.
Шумбра улеза Клим Ворошилов! Шумбра улеза
минь васенце боецоньке!



СОДЕРЖАНИЕ

ПЯТИИЗБЁННОЙ СТАНИЦАСЬ	4
СМЕЛАЯ РАЗВЕДКА	11
ПУЛЕМЁТ ВАССА	18
ШЯЯРЬНЯНЬ ВЕЛЬДЕ	25


ДОШКОЛЬНОЙ КИЗОНЬ ИДЕНДИ

Редактор *Н. Романова.*
Тех. редактор *Г. Татура.*
Корректор *А. Служаева.*

*

Сдано в производ. 21/IX 1938 г.
Подписано к печ. 11/III 1939 г.
Детгиздат № 2034. Инд. ДН—5.
Формат 70 × 92¹/₁₆. 2 печ. лист.
Уполномочен. Главлита А-7023.
Тираж 5.000 экз. Заказ № 3710.

17-я ф-ка нац. книги ОГИЗа
РСФСР треста „Полиграфкнига“.
Москва, Шлюзовая наб., 10.



Питнец 40 тр.
Цена 40 коп.

16221

	М. Мокш.
—	3-276

Л. УСПЕНСКИЙ
ЧЕТЫРЕ БОЕВЫХ СЛУЧАЯ

На мокша-мордовском языке

ПЕРЕВОД М. РОГОВА